

ხელშეკრულება
სახელმწიფო შესყიდვის შესახებ № 02/01/19-45

29 იანვარი, 2019 წ.

ქ. თბილისი

ერთის მხრივ საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირი - სახელმწიფო სერვისების განვითარების სააგენტო (შემდგომში – შემსყიდველი), სააგენტოს მხარდაჭერის დეპარტამენტის დირექტორის მოვალეობის შემსრულებლის, თამარ მთავრიშვილის სახით და მეორეს მხრივ, შპს „ვესტა“ (შემდგომში – მიმწოდებელი), მისი დირექტორის, ემა ჭარაიას სახით, სახელმწიფო შესყიდვების შესახებ კანონმდებლობისა და მიმწოდებლის სატენდერო წინადადების საფუძველზე, #SPA180009957 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

1.1 ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1 “ხელშეკრულება სახელმწიფო შესყიდვის შესახებ” (შემდგომ – “ხელშეკრულება”) – შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.1.3 “შემსყიდველი ორგანიზაცია” (შემდგომ – “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.1.4 “მიმწოდებელი” ნიშნავს პირს, რომელიც აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;

1.1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.

1.1.6 თუ ხელშეკრულებით გათვალისწინებული ვადის უკანასკნელი დღე ემთხვევა უქმე ან დასვენების დღეს, ვადის დამთავრების დღედ ჩაითვლება მისი მომდევნო პირველი სამუშაო დღე.

2. ხელშეკრულების საგანი და ობიექტი

2.1 ხელშეკრულების საგანია შემსყიდველის მომსახურების საფასურიდან მიღებული შემოსავლებით (პროგრამა „ადმინისტრაციული მართვა და კონტროლი“), პირადობის ელექტრონული მოწმობის ბარათებისთვის საინფორმაციო ფურცლების (CPV22140000) სახელმწიფო შესყიდვა, წინამდებარე ხელშეკრულებით გათვალისწინებული პირობების შესაბამისად, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ქ“ ქვეპუნქტის საფუძველზე, ელექტრონული ტენდერის საშუალებით.

2.2 ხელშეკრულებას დანართი №1 – ფასების ცხრილი და დანართი №2 - მოსაწოდებელი საქონლის დიზაინი წარმოადგენენ ხელშეკრულების განუყოფელ ნაწილს.

3. ხელშეკრულების ღირებულება

- 3.1 შესყიდვის ობიექტის ღირებულება შეადგენს 16400 (თექვსმეტი ათას ოთხასი) ლარს;
- 3.2 შესყიდვის ობიექტის ერთეულის ღირებულებაა 0,041 ლარი;
- 3.2 შესყიდვის ობიექტის ღირებულება შეიცავს საქართველოს კანონმდებლობით გათვალისწინებულ ყველა გადასახადს და შესყიდვის ობიექტის მიწოდებასთან დაკავშირებულ ყველა ხარჯს.

4. მხარეთა ვალდებულებები

4.1 მიმწოდებელი ვალდებულია:

- ა) უზრუნველყოს წინამდებარე ხელშეკრულებით გათვალისწინებული ნივთობრივად და უფლებრივად უნაკლო საქონლის მიწოდება ხელშეკრულებით გათვალისწინებული პირობების შესაბამისად;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
- გ) ხელშეკრულებასთან დაკავშირებული ნებისმიერი მიმოწერა აწარმოოს წერილობით;
- დ) ხელი შეუწყოს შემსყიდველს ინსპექტირების განხორციელებისას;
- ე) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულების პირობებში ასახულ ვადებში და ფორმით.
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხელშეკრულების შესრულების კონტროლი

5.1 შემსყიდველის მხრიდან შესყიდვის ობიექტის კონტროლს (ინსპექტირებას) განახორციელებს სააგენტოს ლოჯისტიკის სამსახურის მთავარი სპეციალისტი. ლევან ლომაძე, ხოლო ხელშეკრულების პირობების შესრულებას ინსპექტირებას გაუწევს სააგენტოს შესყიდვების სამსახურის მთავარი სპეციალისტი, გურამ ტულუში.

5.2 შესყიდვის ობიექტის მიწოდებისას გაფორმდება მიღება-ჩაბარების აქტი, სადაც დაფიქსირდება მიმწოდებლის მიერ ნაკისრი ვალდებულებების შესრულების შესაბამისობა წინამდებარე ხელშეკრულების პირობებთან.

5.3 ხელშეკრულების პირობებთან შესაბამისობის დადგენის მიზნით, შემსყიდველი უფლებამოსილია საკუთარი ხარჯით, მის მიერ შერჩეული მეთოდით შეამოწმოს მიწოდებული საქონლის ხარისხი ნებისმიერ დროს.

6. საქონლის მიწოდების ადგილი და პირობები

6.1 საქონლის მიწოდების ადგილი: საქართველო, ქ. თბილისი, წერეთლის გამზ. #67ა.

6.2 შესყიდვის ობიექტის მიწოდებასთან ერთად მიმწოდებელმა უნდა მიაწოდოს შემსყიდველს შემდეგი დოკუმენტაცია: საგადასახადო ანგარიშ-ფაქტურა (ასეთის არსებობის შემთხვევაში), სასაქონლო ზედნადები, საქონლის დასახელების, რაოდენობის, ერთეულის ფასის და საერთო ღირებულების მითითებით.

6.3 პასუხისმგებლობა აღნიშნული დოკუმენტების დაგვიანებით მიღების შედეგად შემსყიდველისთვის წარმოქმნილი ყველა ხარჯისთვის ეკისრება მიმწოდებელს.

6.4 საქართველოს კანონმდებლობით გათვალისწინებული საგადასახადო ანგარიშ-ფაქტურის მიუღებლობის შემთხვევაში შემსყიდველს უფლება აქვს უარი თქვას ანგარიშსწორებაზე.

7. შესყიდვის ობიექტის მიღება-ჩაბარების წესი

7.1 შესყიდვის ობიექტის მიწოდება უნდა განხორციელდეს მოთხოვნის შესაბამისად (თითოეული მოთხოვნით გათვალისწინებული იქნება არანაკლებ 100 000 ცალი) მოთხოვნიდან არაუგვიანეს 20 სამუშაო დღეში, მაგრამ არაუგვიანეს 2019 წლის 30 ნოემბრისა.

7.2 ხელშეკრულებით გათვალისწინებული საქონლის მიწოდებისას მხარეები ხელშეკრულების 5.2 პუნქტის გათვალისწინებით ადგენენ მიღება-ჩაბარების აქტს.

8. გარანტია

8.1 მიმწოდებელი იძლევა გარანტიას, მოწოდებული საქონელი იქნება ხელშეკრულების პირობების და ამ სფეროში არსებული ტექნიკური სტანდარტების შესაბამისი.

8.2 მოსაწოდებელი საქონელი შეფუთული უნდა იყოს 1000 ცალიან შეკვრებად, მიმწოდებლის შეხედულებისამებრ ისე, რომ თავიდან იქნეს აცილებული ტრანსპორტირებისას მოსალოდნელი დაზიანებები.

8.3 შეფუთული საქონელი დამოწმებული უნდა იქნას მიმწოდებლის მხრიდან პასუხისმგებელი პირის მიერ ხელმოწერითა და ბეჭდით, სადაც აღნიშნული იქნება საქონლის დასახელება და რაოდენობა.

9. ანგარიშსწორება

9.1 ანგარიშსწორების ფორმა – უნაღდო ანგარიშსწორება.

9.2 ანგარიშსწორების ვადა - ეტაპობრივად, მიღება-ჩაბარებიდან და შესაბამისი საგადასახადო დოკუმენტაციის წარმოდგენიდან არაუმეტეს 15 სამუშაო დღე.

10. ფასები

ხელშეკრულებაში დაფიქსირებული ფასები შეიძლება გადაისინჯოს და მოხდეს ფასების შეცვლა მხარეებს შორის გაფორმებული ურთიერთშეთანხმების საფუძველზე შემდეგ შემთხვევებში:

ა) საგადასახადო რეჟიმის შეცვლა;

ბ) ინფლაციის მაღალი დონე;

გ) საქონლის საბაზრო ღირებულების არსებითი ცვლილება. ეს მუხლი მოქმედებს იმ შემთხვევაში, თუ ფასის ცვლილება აჭარბებს 5%-ს და არ აღემატება 10%-ს.

11. ხელშეკრულების პირობების შეუსრულებლობა

11.1 თუ მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს, ან სისტემატიურად და/ან უხეშად არღვევს ხელშეკრულების პირობებს, შემსყიდველი უფლებამოსილია ცალმხრივად შეწყვიტოს ხელშეკრულების მოქმედება. ასევე დააკისროს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად;

11.2 შემსყიდველს უფლება აქვს ცალმხრივად შეწყვიტოს ხელშეკრულების მოქმედება აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი

ვერ უზრუნველყოფს ხელშეკრულებით ნაკისრ ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში;

11.3 მხარეებს ხელშეკრულებით გათვალისწინებული ვადების დარღვევის შემთხვევაში დაეკისრებათ პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით;

11.4 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს შეწყვიტოს ხელშეკრულება.

11.5 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11.6 პირგასამტეხლოს გამოთვლისას არ გამოიანგარიშება ინსპექტირებისთვის გახარჯული დრო.

11.7 გამოვლენილი დეფექტის აღმოფხვრასთან დაკავშირებით ინსპექტირების ჯგუფის მიერ თავდაპირველად განსაზღვრულ და „შემსყიდველთან“ შეთანხმებულ ვადაზე არ ვრცელდება საჯარიმო სანქციები.

12. ხელშეკრულების მოქმედების ვადა

12.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან და მოქმედებს 2019 წლის 31 დეკემბრის ჩათვლით.

13. ხელშეკრულების პირობების გადასინჯვის შესაძლებლობა

13.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.2 საქართველოს სამოქალაქო კოდექსის 398-ე მუხლით გათვალისწინებული შემთხვევების დადგომის დროს ხელშეკრულების საერთო ღირებულების ზრდა შესაძლებელია არაუმეტეს სახელშეკრულებო ღირებულების 10%-ის ფარგლებში, სხვა რისკებს იღებს მიმწოდებელი.

13.3 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ორი კვირით ადრე წერილობით შეატყობინოს მეორე მხარეს შესაბამისი ინფორმაცია.

14. ფორს-მაჟორი

14.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ერთობლივი მოლაპარაკების საფუძველზე.

15.2 თუ შემსყიდველი და მიმწოდებელი მოლაპარაკების დაწყებიდან 30 (ოცდაათი) დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

16. სხვა პირობები

16.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი მიმწოდებელთან, ხოლო ერთი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.5 ხელშეკრულებაში ცვლილებების შეტანა შესაძლებელია მხარეთა მიერ წერილობითი შეთანხმების საფუძველზე, რაც წარმოადგენს ხელშეკრულების განუყოფელ ნაწილს.

17. მხარეთა იურიდიული მისამართები და რეკვიზიტები

შემსყიდველი:

სსიპ სახელმწიფო სერვისების
განვითარების სააგენტო
ქ. თბილისი, აკ. წერეთლის გამზ. №67ა
სახელმწიფო ხაზინა
BIC კოდი: TRESGE22,
ა/ა GE24NB0330100200165022,
ს/კ 202307404


სააგენტოს მხარდაჭერის დეპარტამენტის
დირექტორის მოვალეობის შემსრულებელი


თამარ მოთავრიშვილი

მიმწოდებელი:

შპს „ვესტა“
ქ. თბილისი
წერეთლის #11
სს „საქართველოს ბანკი“
BIC კოდი: BAGAGE22
ა/ა: GE03BG0000000123845700
ს/კ 202159788

შპს „ვესტა“-ს
დირექტორი


ემა ჭარია



ფასების ცხრილი

პრეტენდენტის დასახელება: შპს „ვესტა“

№	საქონლის დასახელება	მწარმოებელი კომპანია	რაოდენობა	ერთეულის ფასი	საერთო ღირებულება	მიწოდების ვადა
1	პირადობის ელექტრონული მოწმობის ბლანკის საინფორმაციო ფლაერი	საქართველო, შპს „ვესტა“	400000	0,041	16400	მოთხოვნის შესაბამისად, მოთხოვნიდან 20 სამუშაო დღე

პრეტენდენტის ხელმოწერა



შენიშვნა: შესყიდვის ობიექტის ერთეულისა და საერთო ღირებულება მოიცავს მომსახურების გაწევისთვის საჭირო ყველა ხარჯს (მათ შორის ტრანსპორტირება და სხვა) და ყველა გადასახადს (მათ შორის დღგ).



დანართი N 2

პირადი №

ბარათის №

ბატონო / ქალბატონო

თქვენ გადმოგეცათ ID ბარათი

- 1 ID ბარათი ყოველთვის უნდა იყოს დაცული გარე ფაქტორების ზემოქმედებისგან, წინააღმდეგ შემთხვევაში იგი შეიძლება დაზიანდეს.
- 2 მორიგედ ID ბარათი სინათლის, სითხეების, კოროზიული აირების, ორთქლის, ჭარბი მექანიკური ძალების (მოღუნვა, დაკეცვა, დახევა, დაგრეხვა და ა.შ.), სითბური და ქიმიური ნივთიერებების (კანის ცხიმი, მარბილებლები, წერწყვი და მომეტებული სინესტე), მაგნიტური ველისა და მიკროტალღების ზემოქმედებას.
- 3 ID ბარათი ნებისმიერ შემთხვევაში უნდა იყოს დაცული მზისა და ულტრაიისფერი სხივების ხანგრძლივი ზემოქმედებისგან. გახსოვდეთ, რომ მაღალი ტემპერატურა აზიანებს ID ბარათს, ხოლო მკვეთრი შუქი და ულტრაიისფერი სხივები ბარათის ფიზიკურ ცვეთას აჩქარებს.
- 4 ID ბარათი აუცილებლად მოათავსეთ დამცავ გარსში, რომელიც გადმოგეცათ.
- 5 ID ბარათთან დაკავშირებული სხვა ინფორმაცია შეგიძლიათ იხილოთ ID ბარათის საინფორმაციო ვებ-გვერდზე: www.id.ge

გთხოვთ:

- 1 შეამოწმოთ ბარათში მითითებული თქვენი პერსონალური მონაცემების სიზუსტე, უზუსტობის შემთხვევაში მიმართეთ დოკუმენტის გამცემ ტერიტორიულ სამსახურს.
- 2 ასევე დარწმუნდეთ, რომ ბარათთან ერთად გადმოგეცათ დალუქული კონვერტი, რომელიც მხოლოდ თქვენთვის განკუთვნილ საიდუმლო PIN კოდებს შეიცავს. კონვერტზე დაზიანების აღმოჩენის შემთხვევაში მიმართეთ ბარათის გამცემ სამსახურს

დაგვიკავშირდით:

მისამართი: თბილისი, 0154, აკ. წერეთლის გამზ. №67ა ტელეფონი: (+995 32) 2 40 10 10; (+995 32) 2 40 54 05
ელ-ფოსტა: online@id.ge ვებ-გვერდი: www.id.ge Skype: www.id.ge



ხ ე ლ წ ე რ ი ლ ი

ინტერესთა კონფლიქტის არარსებობის შესახებ

ქ. თბილისი

29 იანვარი, 2019 წელი

ვადასტურებ, რომ SPA180009957 ელექტრონული ტენდერის საფუძველზე, პირადობის ელექტრონული მოწმობის ბლანკის საინფორმაციო ფურცლის სახელმწიფო შესყიდვასთან დაკავშირებით გასაფორმებელი #02/01/19-45 ხელშეკრულების ფარგლებში, „სახელმწიფო შესყიდვების შესახებ“ საქართველოს კანონის მე-8 მუხლის თანახმად, შპს „ვესტა“-სთან ინტერესთა კონფლიქტში არ ვიმყოფები.

სააგენტოს მხარდაჭერის დეპარტამენტის
დირექტორის მოვალეობის შემსრულებელი:



/თამარ მთავრიშვილი/